

¡BOMBA!

Que no exista componenda tras la denuncia penal; que se entienda, está muy mal hacer fraude con vivienda



K'untzil

Martes 15 de abril de 2025

CAMPECHE · YUCATÁN · QUINTANA ROO · AÑO 10 · NÚMERO 2459 · www.lajornadamaya.mx



EU tu na'aksaj 20.91 por ciento u bo'olil arancel ti' mexicoil p'aako'ob

Ts'íib yéetel oochel Reuters / p 23

U kúuchil Departamento de Comercio ti' u noj lu'umil Estados Unidosé' tu k'a'aytaj le lunes máanika', yaan u na'aksal 20.91 u bo'olil aranceles ti' u ya'abil p'aak' ku jóok'sa'al México ti'al u biinsa'al konbil te'el noj lu'umo'. Lela' yaan u káajal u chíimpol'ta'al le 14 ti' julio ku taala', tu jo'olaj tse'elek jump'éel mokt'aan tu'ux ma' bin

chíimpol'ta'ab u productoresil le noj lu'umo', je'el bix a'alabiko'.

"Le ba'ax jets'a'aba' yaan u ts'aak u páajtalil ti' estadunidenseil productores meyajtik p'aak ti'al u no'ojan ketikubáajo'ob koonol", a'alab te'el k'a'aytajil ts'íibo'.

Tu ja'abil 2019e', mexicoilo'ob meyajtik p'aake' béeychaj u jets'iko'ob

mokt'aan yéetel u yáax k'iinilo'ob meyajil jala'ach Donald Trump, ti'al ma' u yantal u beeta'al jump'éel u xaak'alil antidumping, ti'al xan ka ts'o'okok ba'atel yóok'ol aranceles.

Te'el k'inako'obe', Estados Unidosé' tu ya'alaj jets' t'aan beeta'ane', ku béeykunsik u k'atik bej ti' ba'axo'ob ma' chiikpaj te'el

mokt'aano', ts'o'oke' a'alan unaj u beeta'al xaak'al u ti'al.

U mola'ayil Secretaría de Economía de México, máax ti' k'ubéenta'an ka béeyak u yantal tsikbal yóok'olal koonol-maan ku yantal tu noj lu'umil Méxicoe', ma' u núuk mixba'al yóok'olal le ba'ax táant u k'a'ayta'alo'.